

নির্বাচন কমিশন
বাংলাদেশ
নির্বাচন কমিশন সচিবালয়
শেরে বাংলা নগর, ঢাকা

নং- ১৭.০০.০০০০.০২৬.৩২.০০২.১৪-৬৪

তারিখঃ ০৪ মে ২০১৪

বিষয়ঃ দেশব্যাপী ভোটার তালিকা হালনাগাদকরণ কার্যক্রম ২০১৪ সম্পাদনের লক্ষ্যে তথ্য সংগ্রহকারী, সুপারভাইজার, টিম লিডার, ডাটা এন্ট্রি অপারেটর, টেকনিক্যাল এক্সপার্ট বা সাপোর্ট, পুফ রিডার এবং ডাটা এন্ট্রি হেল্পার পদসমূহে নিয়োগ সংক্রান্ত কার্যক্রম সম্পাদন প্রসঙ্গে।

উপর্যুক্ত বিষয়ে নির্দেশিত হয়ে জানানো যাচ্ছে যে, নির্বাচন কমিশনের সিদ্ধান্ত অনুসারে দেশব্যাপী ভোটার তালিকা হালনাগাদ কার্যক্রম ২০১৪ এর ১ম পর্যায়ের তথ্য সংগ্রহ কার্যক্রম আগামী ১৫ মে ২০১৪খ্রিঃ তারিখ হতে শুরু হবে। এ কার্যক্রম সুষ্ঠুভাবে সম্পাদনের জন্য তথ্য সংগ্রহকারী, সুপারভাইজার, টিম লিডার, ডাটা এন্ট্রি অপারেটর, টেকনিক্যাল এক্সপার্ট বা সাপোর্ট, পুফ রিডার এবং ডাটা এন্ট্রি হেল্পার পদসমূহে নিয়োগদান কার্যক্রম যথাসময়ে সম্পন্ন করা প্রয়োজন।

২। হালনাগাদকরণ কার্যক্রম সুষ্ঠুভাবে সম্পাদনের লক্ষ্যে গড়ে ২০০০ (দুই হাজার) জন ভোটারের জন্য একজন করে তথ্য সংগ্রহকারী নিয়োগ এবং প্রতি ৫ (পাঁচ) জন তথ্য সংগ্রহকারীর জন্য ১ (এক) জন করে সুপারভাইজার নিয়োগ করতে হবে। ভোটার এলাকার সাথে সমন্বয় সাধন এবং ভৌগলিক, প্রাকৃতিক, প্রশাসনিক, ভোটার এলাকার বিন্যাস এবং অন্যান্য কারণে উল্লিখিত সংখ্যার হ্রাস বা বৃদ্ধি হতে পারে। বিশেষ করে ভোটার এলাকা অঞ্চল রাখার লক্ষ্যে উক্ত সংখ্যা কম-বেশী হতে পারে। ভোটার তালিকা বিধিমালা, ২০১২ এর বিধি ৪ (৪) অনুসারে নিম্নে বর্ণিত কর্মকর্তা/কর্মচারী ও ব্যক্তিবর্গের মধ্য হতে রেজিস্ট্রেশন অফিসার ও উপজেলা/থানা নির্বাচন অফিসার তথ্য সংগ্রহকারী এবং সুপারভাইজার নিয়োগ করবেনঃ-

(ক) তথ্য সংগ্রহকারী নিয়োগঃ

- (অ) সরকারি, আধা সরকারি, স্বায়ত্তশাসিত সংস্থা বা কর্তৃপক্ষ বা প্রতিষ্ঠানের কর্মচারী;
- (আ) সরকারি বা সরকারি অনুদানপ্রাপ্ত উচ্চ বিদ্যালয় বা মাদ্রাসার শিক্ষক বা সহকারী শিক্ষক বা কর্মচারী;
- (ই) সরকারি বা সরকারি অনুদানপ্রাপ্ত প্রাথমিক বিদ্যালয় বা মাদ্রাসার প্রধান শিক্ষক বা সহকারী প্রধান শিক্ষক বা সহকারী শিক্ষক বা কর্মচারী;
- (ঈ) সরকারি পৃষ্ঠপোষকতায় বা সহায়তায় প্রতিষ্ঠিত বিভিন্ন অফিস বা সংস্থা বা প্রতিষ্ঠানের কর্মচারী ও সরকার কর্তৃক অনুমোদিত কিন্ডারগার্টেন ও কমিউনিটি প্রাথমিক বিদ্যালয়ের শিক্ষক এবং বেসরকারী প্রতিষ্ঠানের কর্মকর্তা বা কর্মচারী;

(খ) সুপারভাইজার নিয়োগঃ

- (অ) সরকারি, আধা সরকারি, স্বায়ত্তশাসিত সংস্থা বা কর্তৃপক্ষ বা প্রতিষ্ঠানের কর্মকর্তা;
- (আ) সরকারি বা সরকারি অনুদানপ্রাপ্ত কলেজ বা সমপর্যায়ের মাদ্রাসার শিক্ষক ও কর্মকর্তা;
- (ই) সরকারি বা সরকারি অনুদানপ্রাপ্ত প্রাথমিক বিদ্যালয় বা উচ্চ বিদ্যালয় বা মাদ্রাসার প্রধান শিক্ষক বা সহকারী প্রধান শিক্ষক বা সিনিয়র শিক্ষক ও কর্মকর্তা।

এখানে উল্লেখ্য যে, তথ্যসংগ্রহকারী এবং সুপারভাইজার নিয়োগের বিধানে বর্ণিত “কর্মকর্তা” বলতে দ্বিতীয় শ্রেণীর কর্মকর্তা এবং “কর্মচারী” বলতে তৃতীয় শ্রেণীর কর্মচারী বুঝাবে।

৩। বিভিন্ন অফিস/প্রতিষ্ঠান হতে কর্মকর্তা/কর্মচারী/শিক্ষকদের তালিকা সংগ্রহঃ উল্লিখিত বিধান অনুসারে তথ্য সংগ্রহকারী এবং সুপারভাইজার নিয়োগ প্রদানের লক্ষ্যে রেজিস্ট্রেশন অফিসার ও উপজেলা/থানা নির্বাচন অফিসার বিভিন্ন সরকারি, আধা সরকারি, স্বায়ত্তশাসিত সংস্থা বা কর্তৃপক্ষ বা প্রতিষ্ঠান, সরকারি বা সরকারি অনুদানপ্রাপ্ত কলেজ বা সমপর্যায়ের মাদ্রাসা, সরকারি বা সরকারি অনুদানপ্রাপ্ত প্রাথমিক বিদ্যালয় বা উচ্চ বিদ্যালয় বা মাদ্রাসার কর্মকর্তা/শিক্ষক/কর্মচারীদের নামের তালিকা সংগ্রহ করবেন।

৪। তথ্য সংগ্রহকারী ও সুপারভাইজার নিয়োগে প্যানেল প্রস্তুতঃ তথ্য সংগ্রহকারী ও সুপারভাইজারদের প্যানেল প্রস্তুত করার সময় সংশ্লিষ্ট কর্মকর্তা/কর্মচারীদের কর্মদক্ষতা, কর্মক্ষমতা, সততা, সাহস এবং নিরপেক্ষতার দিকে অবশ্যই লক্ষ্য রাখতে হবে। তাঁদের কর্মদক্ষতা, কর্মক্ষমতা, সততা, সাহস এবং নিরপেক্ষতার উপরই নির্ভুল ভোটার তালিকা অনেকাংশে নির্ভরশীল। তথ্য সংগ্রহকারী ও সুপারভাইজারদের প্যানেল প্রস্তুতের সময় যথাসম্ভব তাদের পদমর্যাদা, জ্যেষ্ঠতা, বেতনস্কেল ও মূল বেতন বিবেচনা করতে হবে। প্রয়োজনে প্যানেল অন্তর্ভুক্তদের ব্যক্তিগত বিষয়াদি যেমন-তার শারীরিক, মানসিক অবস্থা, বয়স বা অন্য কোন কর্মব্যস্ততা সম্পর্কিত তথ্য সংগ্রহ করে তালিকায় চিহ্নিত করে রাখতে হবে।


৫। দক্ষ ও অভিজ্ঞ তথ্য সংগ্রহকারী এবং সুপারভাইজার নিয়োগ করাঃ তথ্য সংগ্রহকারীর দক্ষতার উপর ভোটার তালিকার নির্ভুলতা অনেকাংশে নির্ভর করে। এ ক্ষেত্রে ছবিসহ ভোটার তালিকা প্রণয়নের সময়ে তথ্য সংগ্রহের কাজে নিয়োজিতদের মধ্যে হতে প্যানেলভুক্ত অভিজ্ঞতাসম্পন্ন তথ্য সংগ্রহকারী যাচাই করতঃ চূড়ান্ত নিয়োগ প্রদান করতে হবে। সুপারভাইজার নিয়োগের জন্য পূর্ব অভিজ্ঞতাসম্পন্ন এবং যোগ্য সরকারী কর্মকর্তা/কর্মচারী ও সরকারী স্কুলের শিক্ষকদের অগ্রাধিকার দিতে হবে। যদি প্রয়োজনীয় সংখ্যক জনবল পাওয়া না যায়, তবে উল্লিখিত অন্যান্য পর্যায়ের কর্মকর্তা/কর্মচারী ও শিক্ষকদের মধ্য হতে তথ্য সংগ্রহকারী এবং সুপারভাইজার নিয়োগ করতে হবে। বয়স্ক, অদক্ষ, অপারদর্শী এবং রাজনৈতিক দলের সাথে প্রত্যক্ষ বা পরোক্ষভাবে জড়িত ব্যক্তিবর্গকে কোনক্রমেই তথ্য সংগ্রহকারী এবং সুপারভাইজার নিয়োগ করা যাবে না। দক্ষ, কর্মঠ ও স্থানীয় বা সংশ্লিষ্ট এলাকায় দীর্ঘদিন ধরে কর্মরতদের এক্ষেত্রে অগ্রাধিকার প্রদান করা যেতে পারে। এতদসংক্রান্ত একটি নমুনা নিয়োগপত্র (পরিশিষ্ট-১) সংযুক্ত করা হল।

৬। বর্ণিত অবস্থার প্রেক্ষিতে ভোটার তালিকা হালনাগাদকরণের নিমিত্তে ভোটারদের বাড়ী বাড়ী গমনপূর্বক তথ্য সংগ্রহের কার্যক্রম সফলভাবে সম্পন্ন করার জন্য বিধি ও উল্লিখিত নির্দেশনা অনুসারে তথ্য সংগ্রহকারী এবং সুষ্ঠুভাবে যাচাইকাজের জন্য সুপারভাইজার নিয়োগ সংক্রান্ত কার্যক্রম আগামী ৬ মে ২০১৪খ্রিঃ তারিখের মধ্যে সম্পন্ন করার জন্য অনুরোধ করা হল। এখানে উল্লেখ্য যে, তথ্য সংগ্রহকারী এবং সুপারভাইজার নিয়োগ এবং প্রশিক্ষণ কার্যক্রম পর্যায়ক্রমিকভাবে হবে। নির্বাচনী প্রশিক্ষণ ইনস্টিটিউটের অধীনে এ প্রশিক্ষণ কার্যক্রম পরিচালিত হবে।

৭। টিম লিডার, ডাটা এন্ট্রি অপারেটর, টেকনিক্যাল এক্সপার্ট বা সাপোর্ট, পুফ রিডার এবং ডাটা এন্ট্রি হেলপার নিয়োগে প্যানেল প্রস্তুত এবং প্যানেল হতে নিয়োগঃ ভোটার তালিকা আইন, ২০০৯ এর ৬(২) ধারা এবং ভোটার তালিকা বিধিমালা, ২০১২ এর ৪(৭) বিধি অনুযায়ী পরিশিষ্ট-২ এ বর্ণিত বাছাই কমিটির মাধ্যমে টিম লিডার, ডাটা এন্ট্রি অপারেটর, টেকনিক্যাল এক্সপার্ট বা সাপোর্ট, পুফ রিডার এবং ডাটা এন্ট্রি হেলপার নিয়োগের জন্য প্যানেল প্রস্তুত করতে হবে এবং প্যানেলভুক্ত প্রার্থীদের মধ্য হতে মেধাক্রম অনুসারে লোকবল নিয়োগ দিতে হবে। তবে কোন জেলায় উপযুক্ত প্রার্থী পাওয়া না গেলে পাশ্চাতী অন্য জেলা হতে উল্লিখিত পদে নিয়োগ করা যাবে। নিয়োগ সংক্রান্ত কার্যক্রম আগামী ১৬ মে ২০১৪খ্রিঃ তারিখের মধ্যে সম্পন্ন করার জন্য অনুরোধ করা হল।

৮। রেজিস্ট্রেশন টিম : প্রতি উপজেলায় ১(এক)টি রেজিস্ট্রেশন টিম থাকবে। টিমে ৪ জন ডাটা এন্ট্রি অপারেটর, ১ জন টিম লিডার, ২ জন পুফ রিডার এবং ১ জন ডাটা এন্ট্রি হেলপার নিয়োগদানের ব্যবস্থা গ্রহণ করতে হবে। তবে উপজেলার আয়তন এবং ভোটার সংখ্যা অধিক হলে সংশ্লিষ্ট জেলা নির্বাচন অফিসার প্রয়োজনবোধে একাধিক রেজিস্ট্রেশন টিম গঠন করতে পারবেন।

৯। তথ্য সংগ্রহকারী, সুপারভাইজার, টিম লিডার, ডাটা এন্ট্রি অপারেটর, টেকনিক্যাল এক্সপার্ট বা সাপোর্ট, পুফ রিডার এবং ডাটা এন্ট্রি হেলপার পদসমূহে নিয়োগ কার্যক্রম সম্পন্ন করে তাদের সম্মানী ভাতা পরিশোধের জন্য প্রত্যেকের ব্যাংক হিসাব নম্বর প্রেরণ করতে হবে। এজন্য একই সাথে তাদের নিকট হতে ব্যাংক হিসাবের নাম, হিসাব নম্বর/মোবাইল ব্যাংক হিসাব নম্বর, ব্যাংকের শাখা ও নাম সংগ্রহপূর্বক নিয়োগ পত্রের একটি কপি জাতীয় পরিচয় নিবন্ধন অনুবিভাগে প্রেরণ করতে হবে।


(মাহফুজ আলম)

সিনিয়র সহকারী সচিব(নিঃসঃ-২)
ফোন : ৯১৮০৭৪৭

সংযুক্তিঃ বর্ণনামতে।


প্রাপক :

১। সিনিয়র জেলা নির্বাচন অফিসার/জেলা নির্বাচন অফিসার,------(সকল)।

২। উপজেলা/খানা নির্বাচন অফিসার ও রেজিস্ট্রেশন অফিসার,------(সকল)।

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলোঃ- (জ্যেষ্ঠতার ভিত্তিতে নয়)

- ১। মন্ত্রিপরিষদ সচিব, মন্ত্রিপরিষদ বিভাগ/মুখ্য সচিব, প্রধানমন্ত্রীর কার্যালয়, ঢাকা
- ২। সিনিয়র সচিব/সচিব,(সকল মন্ত্রণালয়/বিভাগ)
- ৩। মহা-পুলিশ পরিদর্শক, বাংলাদেশ পুলিশ।
- ৪। মহা-পরিচালক, আনসার ও ভিডিপি
- ৫। বিভাগীয় কমিশনার,.....(সকল)
- ৬। মহা পরিচালক, জাতীয় পরিচয় নিবন্ধন অনুবিভাগ, ইসলামিক ফাউন্ডেশন ভবন, ঢাকা
- ৭। মহাপরিচালক শিক্ষা/প্রাথমিক শিক্ষা/গণ শিক্ষা/উপ আনুষ্ঠানিক শিক্ষা অধিদপ্তর
- ৮। যুগ্ম-সচিব (সকল), নির্বাচন কমিশন সচিবালয়, ঢাকা
- ৯। জেলা প্রশাসক,(সকল)
- ১০। পুলিশ সুপার,.....(সকল)
- ১১। সিস্টেম ম্যানেজার, নির্বাচন কমিশন সচিবালয়, ঢাকা
- ১২। মহাপরিচালক, নির্বাচনী প্রশিক্ষণ ইনস্টিটিউট, ঢাকা
- ১৩। আঞ্চলিক নির্বাচন কর্মকর্তা,.....(সকল)
- ১৪। উপ-পরিচালক, IDEA প্রকল্প, নির্বাচন কমিশন সচিবালয়, ঢাকা
- ১৫। উপ-সচিব/পরিচালক (সকল), নির্বাচন কমিশন সচিবালয়, ঢাকা
- ১৬। পরিচালক(অপারেশন্স), জাতীয় পরিচয় নিবন্ধন অনুবিভাগ, ইসলামিক ফাউন্ডেশন ভবন, ঢাকা
- ১৭। পরিচালক (জনসংযোগ), নির্বাচন কমিশন সচিবালয়, ঢাকা
- ১৮। উপজেলা নির্বাহী অফিসার,.....(সকল)
- ১৯। ক্যান্টনমেন্ট এক্সিকিউটিভ অফিসার,.....(সকল)
- ২০। একান্ত সচিব, মাননীয় প্রধান নির্বাচন কমিশনার (মাননীয় প্রধান নির্বাচন কমিশনার এর সদয় অবগতির জন্য)
- ২১। একান্ত সচিব, মাননীয় নির্বাচন কমিশনারগণ (মাননীয় নির্বাচন কমিশনারগণের সদয় অবগতির জন্য)
- ২২। একান্ত সচিব, সচিব মহোদয়, নির্বাচন কমিশন সচিবালয়, ঢাকা (সচিব মহোদয়ের সদয় অবগতির জন্য)
- ২৩। ব্যক্তিগত কর্মকর্তা, অতিরিক্ত সচিব মহোদয়, নির্বাচন কমিশন সচিবালয়, ঢাকা (অতিরিক্ত সচিব মহোদয়ের সদয় অবগতির জন্য)
- ২৪। নির্বাচন কমিশন সচিবালয়ের সকল কর্মকর্তা।


(মাহফুজা আজার)

সিনিয়র সহকারী সচিব(নিঃসঃ-২)

**ছবিযুক্ত ভোটার তালিকা প্রস্তুত উপলক্ষে-
তথ্য সংগ্রহকারী এবং সুপারভাইজারদের নিয়োগপত্র**

জেলা..... উপজেলা/থানা.....
ইউনিয়ন/পৌরসভা/সিটি কর্পোরেশন..... ওয়ার্ড.....

ভোটার তালিকা আইন, ২০০৯ এর ধারা ৬(২)(খ)-এ প্রদত্ত ক্ষমতাবলে আমি.....
.....রেজিস্ট্রেশন অফিসার নিম্নে উল্লিখিত ছকের ৩নং কলামে বর্ণিত ভোটার এলাকাসমূহের ভোটার রেজিস্ট্রেশন কার্যক্রমের জন্য ১নং কলামে বর্ণিত ব্যক্তিকে সুপারভাইজার এবং ২নং কলামে বর্ণিত ব্যক্তিগণকে তাঁদের নামের পার্শ্বে বর্ণিত ভোটার এলাকার জন্য তথ্য সংগ্রহকারী হিসাবে নিয়োগ করলাম :-

সুপারভাইজারের নাম, পেশা/পদবী ও ঠিকানা [বর্তমান, স্থায়ী ও পেশাগত ঠিকানা]	তথ্য সংগ্রহকারীর নাম, পেশা/পদবী ও ঠিকানা [বর্তমান, স্থায়ী ও পেশাগত ঠিকানা]	ভোটার এলাকার নাম (গ্রাম/মহল্লা/সড়ক)
১	২	৩
	১।	
	২।	
	৩।	
	৪।	
	৫।	

.....
রেজিস্ট্রেশন অফিসারের স্বাক্ষর

প্রাপ্তিস্বীকার ও অংগীকারনামা

(এ অংশটুকু রেজিস্ট্রেশন অফিসারকে ফেরত দিতে হবে)

আমি নিম্নস্বাক্ষরকারী তথ্য সংগ্রহকারী/সুপারভাইজার উপরে বর্ণিত নিয়োগ সানুহা হে গ্রহণ করে অংগীকার করছি যে, আমি আমার উপর অর্পিত দায়িত্ব সর্ব প্রকার দলীয়/গোষ্ঠীয়/ধর্মীয় প্রভাব হতে মুক্ত থেকে সততা ও ন্যায় নিষ্ঠার সাথে পালন করব। আমি অবগত আছি যে, দায়িত্ব সম্পাদনে কোন ব্যত্যয়ের জন্য ভোটার তালিকা আইন, ২০০৯ ও ভোটার তালিকা বিধিমালা, ২০১২ এর সংশ্লিষ্ট অন্যান্য আইন/বিধি অনুযায়ী দায়ী থাকিব।

তারিখ :-.....

D:\Halnagad\Letter-1.doc

.....
তথ্য সংগ্রহকারী/সুপারভাইজারের নাম ও স্বাক্ষর


.....
০৪/০৮
স্বাক্ষরকারী
নিম্নস্বাক্ষরকারী
নিম্নস্বাক্ষরকারী

ছবিসহ ভোটার তালিকা হালনাগাদকরণ কার্যক্রম-২০১৪ সুষ্ঠুভাবে সম্পাদনের লক্ষ্যে টিম লিডার, ডাটা এন্ট্রি অপারেটর, টেকনিক্যাল এক্সপার্ট বা সাপোর্ট, পুফ রিডার এবং ডাটা এন্ট্রি হেলপার পদে নিয়োগের জন্য ভোটার তালিকা আইন, ২০০৯ এর ৬(২) ধারা এবং ভোটার তালিকা বিধিমালা, ২০১২ এর বিধি ৪(৭) অনুযায়ী গঠিত বাছাই কমিটিঃ-

০১) সংশ্লিষ্ট জেলা নির্বাচন অফিসার	সভাপতি
০২) সহকারী প্রোগ্রামার, সংশ্লিষ্ট জেলা প্রশাসকের কার্যালয়	সদস্য
০৩) সংশ্লিষ্ট উপজেলা নির্বাচন অফিসার ও রেজিস্ট্রেশন অফিসার	সদস্য সচিব

কমিটির কর্ম পরিধিঃ

ব্যবহারিক পরীক্ষা গ্রহণ শেষে টিম লিডার, ডাটা এন্ট্রি অপারেটর, টেকনিক্যাল এক্সপার্ট বা সাপোর্ট, পুফ রিডার এবং ডাটা এন্ট্রি হেলপার পদে নিয়োগের জন্য প্যানেল প্রস্তুত এবং প্যানেলভুক্ত প্রার্থীদের মধ্য হতে মেধাক্রম অনুসারে লোকবল নিয়োগ। তবে কোন জেলায় উপযুক্ত প্রার্থী পাওয়া না গেলে অন্য পার্শ্ববর্তী অন্য জেলা হতে উল্লিখিত পদে নিয়োগ করা যাবে।


০৪/০৮
মাহবুবুল হক সুলতান
সিনিয়র সহকারী সচিব
নির্বাচন কমিশন সচিবালয়
ঢাকা